

四庫全書

史部

欽定四庫全書

欽定熱河志卷四十七

圍場三

行圍儀注

凡木蘭

行圍先期降

旨應行事宜各衙門照例預備嚮導大臣率嚮導官兵  
於

大駕所經之地飭所司儲備宗人府內閣部院司寺

奏請

欽點扈從王公大臣官員兩翼八旗

奏請

欽派前鋒護軍統領理藩院行文扎薩克王公等先時

戒備隨圍執事

駕行前一日遣官以秋獮虔告

奉先殿屆期

皇上御行衣乘馬出宮翊衛諸臣前引後扈百官采服  
跪送

駕如

巡幸儀自乾隆六年以後間歲一舉十六年以後每歲  
舉行至熱河

駐蹕避暑山莊中秋後

啟蹕行圍將

啟蹕

行在兵部領

行圍禁令管圍大臣帶領隨圍官兵至圍場祇候先以

百餘騎小獵於平甸撒圍

國語曰阿達密入圍場後

御行營

規制  
詳後

護軍統領率官兵先往度地廣狹立

御營扈從官兵等以次安帳行營前後嚴巡徼止夜行

違者論如法先期前鋒於一二里外設卡倫每日

五更管圍大臣率蒙古佈圍人先往其餘扈從人

等及輜重均毋許先出卡倫平明

上啟蹕先駐看城

規制詳後

佈圍用蒙古一千二百五十人

圍中以大黃纛為中權其名曰佛勒兩翼左正白  
右正紅曰梅勒兩翼前各以一藍旗為前哨曰烏

圖哩

纛俱以綢為之不加緣正幅不施繒繡緣徑六尺四寸游徑六尺杆長一丈四尺五寸以

竹為之不加髹漆黑旄

前哨進後隊以次隨發由遠而近繞

圍場兩翼前各數騎擁纛飛馳曰跑烏圖哩將會  
於看城呼瑪喇哈則圍合矣

皇太后  
皇上出看城

躬佩橐鞬具弓矢莅圍所各獸羣集

上引弓射後令

御前大臣侍衛隨射者曰納勒布密如有逸出圍者許官兵追射之命中者紀諸冊圍中有熊虎諸猛獸則管圍大臣遣侍衛馳報看城

上策騎親至其處

命虎鎗官兵掩殺或

御神鎗及弓矢立殪之園中麋鹿過多則開一面放之

未初罷圍

駕還行營陳牲數獲

頒賜扈從王公大臣官員

行圍竣出哨

遣隨圍蒙古各歸部落迴

蹕自熱河旋京師告秋獮禮成

聖祖御製詩



塞外偶述

二集

曉霧迷前嶺，蒙茸露未晞。  
林中呼鹿罷，山上射熊歸。  
水繞周廬曲，原高衆幕圍。  
時平疆域遠，萬里盡庭扉。

世宗御製詩

大獵

五校琱弓勁，三秋野獸肥。  
乘時講武事，大獵振兵威。  
狡兔寧藏跡，封熊悉入圍。  
獵歸數軍實，落日照龍旂。

中秋從獵塞外

萬里清輝度塞寒  
一輪飛鏡耀雲端  
宮廬影靜金波蘸  
行漏聲沉玉露漙  
光射龍沙明遠磧  
香飄仙桂拂層巒  
普天今夕同忻賞  
何以趨承

膝下歡

御製詩

獵  
辛酉

秋蒐文囿是王庭

祖澤貽今赫濯靈  
桓赴健兒身掠鷁  
驃姚車騎箭流星  
龍

堆露冷鳥蒼鹿沙塞風高語白翎大兕小貳親射得駝  
峯高架進

慈寧

秋日奉

皇太后口外行圍

列塞騰千騎三秋駕六飛校蒐遵

祖制問寢奉

慈闈纚纚田車好祁祁原獸肥金風如有意爽氣襲征衣

代是熙和候秋當獮狩時風雲森羽衛物象擁旌旗皎  
日曛曛照涼颼左右吹近光多父老前導莫驅馳  
秋原零白露羣鹿應時鳴駭野車徒勝彌川草木平祇  
期軍律整無取大庖盈誰獻長楊賦臨風憶客卿  
暮色滿平川行宮景物妍砌蛩喧此夕梧月照當年  
皇祖曾停蹕孫臣獲侍筵幾多承雨露追想倍悽然

行漏催寒夜銀檠虎帳懸霜笳鳴塞上星斗掛天邊牧  
馬聞呼聚飛鴻列陣旋禽荒曾有戒無逸誦終篇

當秋鷹羽疾度塞馬蹄輕目極山川秀詩含草木清天  
高雲帶影風勁壑傳聲更值西成好沿途喜氣迎

獵

癸亥

雲歛高空淨素秋較蒐倩泐驟驂騶山翁山媪將母訟  
天餉天公已富酬五校龍旌疑霧曳三驅羽騎訝星流  
清風吉甫羣陪輩吉日應同雅在周

呦鹿聲高露漸濃護霜雲傍紫芙蓉鴻伺輕騎看羅列  
駢行徽車亦沈溶壯士同能抱蒼豨名王爭羨扈青龍

匪誇多獸因農隙謾擬長楊弄筆鋒

射熊

寥蕭玉宇拂秋風  
掌樣霜鋒好射熊  
却笑漢皇猶赤帝  
空輸女子是英雄

獵  
乙丑

吉日詠車攻  
秋原豐草中古來稱  
玉塞南國勝雲  
曹左  
右賢王會  
騁騏我馬同  
傍林張雉  
罟跨谷列  
麋罟解角  
風霜勁  
鈹鋒霹靂雄  
兩行成雁  
迤一貫總  
鴻網更命  
開

三面羣看發五縱眼前旋起嶂耳後欲生風詎敢從心  
欲多因習武功煌煌

仁祖制景仰似崆峒

獵丁卯

金韞秩序玉旻清大獮乘時晃旆旌雲棧迥疑懸索度  
川塗還教貫魚行午原合處規弓滿曉翼舒時象鳥征  
虎園豹房休更築谷蠡左右是林衡

呦鹿

呦鹿秋深鳴其聲  
隔澗聞雄者各護雌  
爭長難同羣  
合圍廣甸中麋麋乃畢臻  
避人相率馳命侶無區分不惟  
忘妬猜而轉情相親  
閱牆禦外侮默然何況人

獵

己巳

山青雲白塞垣清  
快試秋圍趁曉晴  
淺水穿林衝暗渡  
橫岡冒霧落斜行  
雁行左右排千騎  
魚貫聯翩認五旌  
日暮頒禽喧弗禁  
為田猶足見虞情

奇花瑞草總含芬  
少坐岡巒亦可欣  
幾樹濃青幾樹赤



半峯晴藹半峯雲獸驚避箭毆叢夥人語呼圍隔嶂聞  
倩泚鴻絳原有度卽茲深寓教三軍

放鹿

出谷霜風嚴冒嶺朝烟霧合圍廓堂皇輕騎劇鴻絳彌  
縱無漏罅呦鹿周却衆應弦紛屢踣疊雙頻命中他  
已鋪原祁祁互奔撞肩急繁弱張手疲遊龍韃大庖既  
云足頒殺逮僕從於物誠盡取多或棄無用因命飲飛  
徒罷射快一縱歸林得所樂失侶懷餘慟習武會常來

孳息仍厨供非希湯網名儒臣漫陳頌

獵

辛未

豐草長林獸所都時平習武試三驅林霜始降鷹嫌葉  
野露猶霑馬惜蕪豈必虞人竭陂澤未能君子遠庖厨  
日斜頒獲惟城外惠逮惟均洽衆娛

行圍四詠

壬申

撒圍

塞山萬壑糾獵士五更行

蒙古管圍諸王公每以五更率獵士先往撒圍

撒陣

常衝黑成行始質明蠶叢度衽席魚麗辨徽旌曾不言  
勞苦嘉哉奉上情

待圍

兩旗合帳殿

設布城為看圍所奉翼首旗各馳至此為始

皇太后觀覽兩

進云千騎列雲涯試看止齊勢端稱左右宜彌縫休欲速  
磬控尚需時勒馬平岡待斐然立就詩

合圍

周却笑繁重善御信何稱豈有車從獸何殊屠命僧詭

馳我所戒連中衆多能任藉無須亟留資歲歲仍

### 罷園

地不傷農事情還聯衆歡陳牲蔽芳甸頌獲逮儒冠

漢大

臣隨園者頌  
獲每及之

習武毋忘業暢遊亦戒盤控弦教憇息西

日在槍竿

園中獲白麇詩以紀之

有序

昨秋蒙古台吉必力滾達賴以白麇進嘉其應時

獻壽曾為之圖而紀以詩今行獮塞上於巴顏河

落園中復生致此毛色純潔性特馴擾周却所僅  
見也拈吟紀實匪侈祥符

瑞獸貺三靈嘉符應六星性馴豈鋌走質異似來庭晴  
彩丹砂煉毛章白玉亭不教施赤羽端合飼蒼苓詞客  
希成頌仙人夙駕輶底須宣史館曾未註禽經

園中獲生麕致之避暑山莊即目得句

生麕無數獲園中放入山莊楓柏叢取之外園置中園  
豈是深謀苟息同

行圍四詠疊去歲韻

癸酉

撒圍

秋令木蘭獵年來率按行伐齊既以習紀律亦因明據  
嶺排羣伍沿蹊致兩旌詎徒恣從獸要寓詰戎情

待圍

中軍例徐進猶在白雲涯選勝居其要乘閒酌所宜層  
巒疊嶂際翠栢紫楓時隱若山靈詔依然合有詩

合圍

如星之拱所擬月以圓稱嶺碧遙拖柳峯圍迺盡僧

碧柳

嶺僧機圖皆  
園場內地

周遮羣効力馳射各呈能靈園天然闢朝

家奕世仍

罷園

素志常銘內臨歡戒極歡息教歸布帳招底藉皮冠炊  
熟地為竈割鮮草作盤披星仍迨曉晏起敢三竿

雨獵

虞人破曉驟前旂圍合秋山雨脚稠成局不教傳罷獵

佳名漫擬魏文侯

千峯頃刻吐雲奇  
一陣涼絲馬上披  
頗念征人歎漸石  
關中秋麥却宜時

度嶺踰溝萬點繁  
瀑垂何必藉遙源  
雨衣不漏知需瓦  
謫諫還因憶謹言

時止時霏煙景宜  
凌風赤羽未嫌遲  
數番馳射徐收伍  
跋涉吾原衆共之

小獵

甲戌



諸部皆攜獵騎行為聽指使各將誠便教小試龍沙坦  
嘉彼殷勤奉上情

麋鹿雖無饒雉兔平川淺草吉驕飛

所乘馬名  
順吉驕

肅宜不

藉爰爰中嘉兆今秋第一圍

忝田牧野間平岡爰看雲容漸作黃分付獵人避蹂躪  
便因失次審何妨

魚貫雁行循律度控弦按隊識尊親忽臨中次傳收獵  
已避長途廿里塵

霧獵

磧山作霧亦太奇  
白綿青嶂紛高低  
依微迴薄幻晴晦  
窈鬱散漫迷東西  
蒙古慣見不介意  
依然塞甸陳獵騎  
林中即鹿有虞人  
吾亦因之射生試  
風來霧散嵐嶺清  
偏伍不亂魚貫行  
據鞍大笑有如是  
區區何數劉雄鳴  
即事從覘奉上誠

射虎行

乙亥

虞人來報虎負隅  
羽林親率往斃諸  
度岡紀壑不數里

榛叢早見藏於菟，鉛鎗如雪周遭布。眈眈有猛無逃處，忽然挺走衆辟易。欲往前山據深樹，安吉驄如闕虎驕。

二馬名闕虎驕，今老矣，是日所御者乃安吉驄云。

蕭雲一策飛鳥愁，退奔肯使

牛哀逸夏服在右，烏號柔馥然中要。只一矢炳文高架

駝峯紫，兀魯蘇舌頌盛稜。

是日新附諸兀魯特台吉適至。

笑謂今朝偶

然耳。

雨獵

丙子

炎蒸為雨信有哉，獵騎已布靄。脚來連嶺隔谷罷，誰是

便冒霖霖催龍媒時忽飄絲時忽止光怪千峯難狀擬  
勁羽雖濕亦能飛駭鹿欲藏還瞥起應弦馥中萬人喜  
厄魯咋舌銜其指雨衣宜瓦非所知南北之強異張弛  
儒冠著製候和門不議今朝復有此

行圍即事

秋獮乘時歲一來神皋素節靜無埃迺千二百騎惟羽  
布左右中官是材木葉已看吹籟落野花還自冒霜開  
揆文奮武難偏廢點筆賡箋每召枚

神心妙達是清秋  
地迥興安景更遒  
雲影山光含動靜  
泉聲葉響驗沉浮  
目鴻霞表懷因遠  
耳鹿崖邊興亦留  
校量常年得佳話  
隨園今後有渠搜

兩翼鴻網隔嶺張  
黃麾據勢獨堂堂  
如身使臂臂使指  
舉網有目目有網  
地豈稻杭馳騁得  
林真錦繡詠歌常  
山靈似有相應處  
子墨虛文免賦揚

雪獵

丁丑

一夜朔風吹凍雲  
高峯低谷皆皴玉  
雖寒不濕可三驅

連網周陸謝千軸供役左賢還右賢是皆慣馬且耐寒  
習勞示矩可辭冷我亦因之試玉韉六靈時止復時灑磬  
控疑驟藍田野丹黃青綠績銀陵塞景清都入吟寫麗  
龜釋弼真快哉紫狐輕點祥花皚陡憶伊犁大於掌官  
軍尚待歌歸來

### 放鹿

麀鹿逾常夥開圍任赴榛聊因學宣牧

木蘭之獸本如苑中所牧留以

孽息亦欲取之不盡之意耳

匪欲博湯仁悠逝得其所分頒逮尚均

寧遼待取報明歲獵牲牲

叢薄行

戊寅

叢薄之中聞有虎三子逐逐隨其母鎗斃於菟及一子  
其二曳尾藏深莽惡獸應弗留餘孽是非所云不探卵  
叶因命生擒觀壯材羽林徼覘皆暴怒兩人搏一何足  
云一人獨攫誠堪詡其名乃曰貝多爾索倫侍衛中英  
楚手尾挈領安且詳須臾虎兕入柙擄被斑綉白涉鋪  
張豈似今朝萬目覩喜亦詎為萬目覩適有新歸化布

魯

園中 己卯

園中選勝坐翠垠嘉樹為蓋莎為茵時看足底飛白雲  
風吹落葉左右紛目不見俗心無塵我豈長林樂隱淪  
頗覺巢由不我擯隔川忽過蒼鹿羣園遠未致驚迸奔  
擇肥命中施花神於虎用虎神鎗於鹿用花神鎗皆  
皇祖時所貽武功良具立斃  
其肉實鮮新奔走蒙古及索倫舉火即析山之薪割生  
炙熟不遑巡鷹刀手試嘗其腍呼前分賜飽德均上下



和樂胥歡欣由來古俗匪自今叶景宗小哉安足論

雪獵

搏桑日出鹿罷鳴興安放圍趁曉晴須臾山頂塞雲興  
霏霏靄靄空谷橫配藜浩唐霽真宜鏤冰翦水霏祥霏  
側峯橫嶺忽瑤京丹楓翠栢胥著英初景宜視復宜聽  
怒號萬竅不一聲砰磅汨瀝駕廣陵鏐鏐錚錚兵馬行  
又如張樂於洞庭八音繁會歸和平是謂山靈示厥靈  
鴻網獵騎夙慣經遥遥裔裔綠峻嶒迷津失岐又豈曾

圍合廣甸無逸廩毳服蒙茸凌寒輕瓦衣不漏漫譏評  
烏號夏服手中抨命處藝殪奚足稱嘉哉札薩奉上情  
四十九旗諸札薩克蒙古隨圍執役較之喀爾喀青海  
及新厄魯特歸化尤久與八旗察哈爾遂無分別矣

上下和樂延休禎亦不謂言戎索成玉田感踏旋歸營  
和門侍立漢九卿褒衣博帶誠儒生相如之賦爾應能

### 射虎行

圍中報有虎負嵎攸飛親率往殲諸隅谷白額欲潛遁  
神鎗一發早中去聲渠驚避深林曳尾掉迺騎前遮容遠

越金桃皮弓雕羽箭凌秋風如餓鴟叫馥然入其要害  
處眈眈雙目淪精曜蔚皮載駝聊足欣攘臂下車真可  
笑

放鹿行

邇年迤西率未到今來欲一窮其奧獵所未經獸所都  
湯武毆民義可曉叶夷阮拔鹵嗟太勤供役惟千二百  
人峯崑谷阻弗遺棄雁行魚貫聯汾沅放圍隊疎漸進  
密麋麋之盛過沮漆大宛青總金僕姑或羣或友燕悉

率肩疲腕怠獲他他廣原奔迸猶餘多物亦命也戒盡  
殛取之無厭理則那傳宣開圍任逸避長林豐草悠然  
逝索倫笑我吮嫗仁摺紳誦我祝網義誦我笑我兩弗  
居蓄養外圓斯深意

九月朔日作

庚辰

秋季惟朔旦塞圍第一場千山斂雲氣萬樹絢晴光迥

巖鴻網合深溪魚貫長咸賓逮回部

入親之部爾伯特親王策凌烏巴什

等向曾孫觀塞圍共四部酋長霍集斯伯克霍什克伯克等以賜爵留居京邸並屬索韃從獵則自今歲始云

執役有名王

舊扎薩克王公台吉等率所部蒙古隨園執役歲以為常

柔遠繩

先切詰戎寓意良寧當懈幾務獵罷閱封章

行園二首

天府神臯百獸牲細莎灌木靜無塵最欣悉率升大阜  
底藉要遮事斤闋割馘炙鮮猶古俗炊金饌玉直癡人  
舊藩新部衆同樂獨者惟斯染翰頻

千二百人各職司率先扎薩恐淹期

衆扎薩克每日於五更時領衆前往

撒圍園時合即親至獵場率先擊射以均勞逸不令踰時久待

尊為元后親為父威實

何須思實宜峻坂有時亦馳下神鎗無故不空施從來  
柔遠茲常厪武定遐懷益慎茲

雪獵十韻

九月十七日

塞雲低靉靄朔雪灑霏霏萬嶂增嚴氣千林纈索輝月  
同光不濕風似定還飛壓帽輕於絮堆衣幻作璣藩王  
羣虜蹕漠嶺早張圍誰肯羶裘著都欣玉策揮觀蹄致  
馬疾刷羽益雕威搜穴虎呈迹炙鮮鹿薦肥彌漫迷澗  
戶飄瞥晝林扉乞相寒江上一叢披得歸

木蘭行圍卽事襍詠八首

辛巳

將謂秋深栢梢寒  
新紅濃綠尚興安  
賡詩自有諸學士  
執役方來衆可汗

魚麗雁字諄縝紛  
習獵由來寓習軍  
敢謂拓邊還定武  
周書垂訓此尊聞

抨矢彎弧忘臂病

今秋頗覺臂畧痛

亦因乘興亦先身  
都爾

平聲

伯特烏梁海况有新來觀化人

黃幕高張面翠峻  
筵開灑馬錦雲騰  
呼韓上壽尋常事

漢史嗤他太艷稱

羶廬雖是不懷居宜月宜風便有餘適暇挑燈惟著句  
勝前歲此治軍書

丹楓翠栢金官績山色溪聲大塊文寓意由來不留意  
閑中無礙靜中欣

崇山尚自行泥淖今歲秋霖盛絕殊陡憶楊橋歌瓠子  
即今歸舊有成無

粗觀大意過秋山詩稿將盈篇幅間何必多今從杜語



非關藏拙實偷閒

雨獵

七月廿六日

壬午

塞山清曉雲如油須臾雨霽千峯頭獵騎已放奚事止

看城早駐藍旗旂

凡行圍以大黃纛為中樞以白紅二旗居左右翼之中兩翼前各以一藍

旗分隊馳進至二藍旗俱會駐看城則圍合矣

橐韃策馬便親往衝煙冒霧尋

清遊灑空時霏時却息巖枝澗葉翻銀流千二百卒宿

精練鴻網尚致野獸稠弓漸無礙燥手濡無礙柔一發

中其麋再發斃其鹿四十八旗夙習見哈薩厄魯心服

尤中朝或有諳古者謂當罷獵學文侯既不受譽毀寧  
受詰武身先意所留一之為甚亦弗再傳宣明雨當停  
蒐

甸獵

乙酉

甸獵非山獵平原草未黃入崖斯小試便路例成常

始入

園場駐行營次日方佈大圍以路便  
簡百餘騎小獵平甸年來率成常例

驚雉蔽空起

崖口  
內野

雉較往  
歲尤多

呼鷹逐影過蘭中初獲鹿飛騎進

仙

莊

是日祇獲一鹿以初獵所  
遣侍衛馳至山莊恭進

雨獵

圍佈秋山落驟霖罷之轉厪失人心文侯彼其去聲不同

道扎薩今誠有共欽馬選上閑馳寧坂鹿飛一箭斃深

林

冒雨獵騎不免迷失山谷故園中鹿少祇見二鹿各一箭斃之

文臣鵠立和門候涼

雨猶當濕弗禁

大學士尹繼善隨圍因請詩走筆成什調之丙戌

久置馳生耳後風

過五旬後雖每歲行圍然不似向年御飛騎下峻阪矣

偶然蘭

阪驟雲驄雖拋射鵠五年閱

向喜射鵠幾暇常集侍衛等試射中的恒十之八九

自壬午以後因臂病不能如志弗為者  
五年於茲而馬射則仍繼送如常也

原屢中

去聲

麋片

刻中

廿四日國中發矢連斃五鹿廿五日復斃其三尹  
繼善見之驚為神異因命其射一鹿卧之鹿則第

三箭始著鹿身轉  
麋起帶箭而去

祇以賤良衆屬目笑稱馬步一張弓

綠營不嫻馳騁馬弓之力平減於步弓遂有以馬步一  
張弓誇於衆者若我滿州則馬射更為得力故具弓較  
步弓尤強尹繼善久莅外  
任習聞綠營語因戲及之隨園老翰催成什諳諫相如

同不同

行園二首一韻前章即景後章即事

高秋塞景入精微按轡行吟契靜機水似客彈山陽曲

山如僧著水田衣霜前紅葉纔方染暖後綠陰猶覺肥  
應接何妨畧無暇畫屏匝匝四隣圍

千騎周環一徑微堯峯標處識僧機

峯名向賦夷齊松即在峯下

控

弦總是無前士提馬偏宜短後衣弋迥賓鴻常墮落灸  
生祁鹿正鮮肥藩屏遠近同傾仰王制難循不合圍

雪獵

丁亥

靈山有靈驗圍展雪來隨帶日飛冰片不雲佈野陂拂  
林重燦蕊著鹿總成麋

鹿皮無白章惟麋獨有興安有鹿而無麋迨而始間有馳

射原無礙便宜更是詩

射熊行

虞人來報熊咆林  
攸飛親率崇椒  
尋條呻羣逐出叢  
樾

一箭要害洞中

去聲

深馥焉肆地目精散封駘有力馱難

任復報翠微出其子  
駐馬掩搏觀勇士  
須臾子路入檻龍  
手羆足廬寧虛揣畜之虎圈暫貸生平原不射非所擬

雨獵

戊子

大幹以北氣愈寒  
仲秋之杪例落雪  
今歲暄暖所罕逢

山雲作雨殊清絕圍衆已佈難中止縱送何妨衝雨獵  
馬馳草坂偃濕莖鹿出林岡帶飛葉千二百騎益鳬藻  
漸石霑裳非所說和門鵠立候儒冠布帳烹茶樂應別

獵  
已丑

萬嶺烟開紫翠光行圍詩興亦因償丹楓白樺皆堪詠  
日暖霜遲未覺涼峻坂疾馳不復作前禽連中固如常

匣封飛遞軍營奏駐馬批裁務安詳

合國後已策騎至  
山嶺適經畧大學

士傳恒奏函由六百里近到即於馬上展閱批答並傳  
諭指授機宜以期安速集事旋至獵場射鹿連有所獲

仍無憾  
暑刻也

雪獵

庚寅

雪獵非如雨馳驅興越豪不虞箭羽濕偏喜獸蹤遭

雪鋪

白色獸蹤  
益顯見

馬習手中轡鷹翻臂上條詩情在何處鏤出

玉峯高

雪

九月十一日

塞雲冪嶺漸霏微遂作六花彌谷飛一例玉驄馳磬控

為他撒就滿山圍

去  
佈圖今謂  
之撒圍



配蒸合沓亂飛浮鏤莽雕林致最幽却是粘衣盡乾雪  
底須止獵學文侯

迷離不辨潛林獸突出還教倒應弦所獲今朝多白鹿  
寧煩祥瑞詞文篇

拈毫詠素我原閒創景多欣值此間凍凝去聲岡巒應作

滑傳宣明日罷圍還

尚餘塔里雅圖一圍困念雪積山間入夜必凍獵騎蹴滑非宜遂傳

諭罷圍即於十二日出哨駐張三營

射生手  
壬辰

國語及蒙古語皆謂之默爾根選善馳能命中者  
為之圍中射中獸則命若輩隨蹤獲取

射生手射生手諸部人中無不有掄其精者侍兩傍御

弧中

去聲

獸隨獲取射生手數近百挾弓抨矢舒雙翼百

人中必有一中

去聲  
後同

中則都稱射生得千二百騎圍如

輪驅來悉率宴一人百射那能必百中弗中羣慚中羣

頌詰戎示度以已先奚啻十目之所觀一節亦識為君

難

行圍偶詠

癸巳

飛騎藍旗谷嚮宣

撒圍時兩翼俱以藍旗為首每翼數騎極肅飛馳謂之跑馬圍哩將至看

城喧呼瑪喇哈則圍合矣

彌縫兩翼拱中權待暄以出笑茲日視地

而馳慙昔年時亦擇肥能命中無非示衆弗忘前細思頗合為君道不息自強曰體乾

罷圍

甲午

屢曾雪獵喜為詩卷密放彌各有時適以萬林攢霰落遂教千騎免圍披未能親罷魏文慙

去聲

也覺吾衰宣聖

思策馬還營慰心處迤南應雨麥田滋

雨獵

八月廿一日

丙申

曰雨誠逢雨山靈不爽靈

是日駐海喇堪山前

忽霏一天白却隱

萬峯青圍撒難中止

佈圍俗謂之撒圍

馬馳隨密零擇肥仍命

中

去聲

少習業猶寧

題革鹿玉韞

巳亥

白露為霜革野披肌肥色澤樂伊尼

梵名鹿曰伊尼

合圍命中

茲重舉

木蘭秋捕詰戎患遠之意存焉茲既過二十七月依例行之弗以長年圍逸罷圍也

出哨

尋幽久不為

哨鹿必趁天未曉鹿方鳴之時歷險尋幽而後得雖國家習勞舊制意聖母每

以屢念故久不為矣今重思之不覺消然

弓矢既調資飲手畫圖堪勝祇傳

皮設如發羽方省度慎弗失之鑒在茲

雨獵

八月二十  
二日辛丑

詰旦遙山早撒圍山雲忽挾絢絲霏擬如親往傳罷獵

却是千人已濕衣

是日出營時即微雨而撒圍者率於寅刻即前往由遙山徐徐而進以待

然人皆備雨具而往遂於雨中行獵蒙古供獵者千二百人云千者舉成數耳

農人霑體還途足獵騎衝烟亦冒雲各有所司計衣食

誰能一例免辛勤

見說山靈果是靈洗山雨為衆人經

是日經海喇汗山此處山神靈異凡

人衆經過必有雨試之屢驗俗謂之洗山云

倏看萬瀑全拖白何礙千峰暫

斂青

孟氏名言衆共之從來雨獵每勤斯

向過此屢有雨獵之作

軟弓

仍可家風試

往年騎射俱挽強自臂病後弓力大減今年逾七十雖軟弓仍可命中蓋國俗向有

軟弓長箭快馬輕刀之語為長技云

中鹿其長何足奇

雪獵

八月二十七日

雪獵全勝雨況經習馬鞍獸蹤現莫隱山逕凍微乾  
磬控隨心穩復陶被體寒須臾紅日朗玉失萬峰攢

雜詠

辛酉木蘭從獵者晨星一二見

康熙逮今辛丑四十載一二晨星靡孑遺

入獵乘輿避曉涼

向年木蘭行圍即於清晨策馬近年以春秋漸增曉涼乘輿至等城上圍

則仍控馳  
如前也

調閑軟步試平岡無須重讀相如諫鄭重而

今自合當

新舊諸藩逮百旗

從獵蒙古王公內扎薩克四十九旗又喀爾喀四部及四衛拉特并青海

等部落各扎薩克不下百餘旗我朝中外一家之盛實史冊所未見云

底應甌脫外觀之

或為子輩或孫輩親我老人左右隨

癸亥學談蒙古語回番唐古遞通多

余自乾隆八年習蒙古語二十五年

平回部習回語四十一年平金川習番語四十五年因班禪來謁並習唐古忒語皆以學而能也而不學者光陰玩愒吾未笑他玩日愒時者自畫無成奈汝何如之何矣

殪虎行

壬寅

秋獮額勒蘇那西

額勒蘇蒙古語謂沙西那謂岡是日圍場地名

麋麋之羣紛



其多肩墮腕疲獲已夥又報虎負崇山阿隔谷擇勝駐  
馬視飲飛健士週遮羅耽耽猛獸不能出翻陟峭壁沿  
嵯峨刺矛發矢不能到於菟意謂逃生過虎神鎗合此  
際用向壁命中無時何墮崖衆進獸已斃顏然橫陳荒  
草陂二子竄入攢石窟搜穴易殪祇頃俄魏明不忍寧  
謂此除惡務盡語豈訛

戴衢亨獲麇即賜之因成是什並令和韻

圍合山原飛走充儒臣扈蹕詠車攻拈毫倚馬本多秀

入帳執禽乃獨雄

九月初日阿濟格定圍場於等城待圍時圍中逸出一鹿修撰戴衢亨執

之以獻田即賜之

獵騎訝看非等類文班喜語共和融狀元端

是讓前輩

丙申年木蘭行圍時大學士于敏中於行帳中獲一鹿以獻有獻禽者閣部之句于敏中

乾隆丁巳修撰也

大鹿小麕獲則同



欽定熱河志卷四十七

# 欽定四庫全書

史部

欽定熱河志卷

四十五  
五十二

詳校官編修<sub>臣</sub>曹城

檢討<sub>臣</sub>德生覆勘

總校官舉人<sub>臣</sub>章維桓

校對官編修<sub>臣</sub>勵守謙

謄錄監生<sub>臣</sub>曹洪梁

欽定四庫全書

欽定熱河志卷四十八

圍場四

哨鹿

哨鹿以秋分前後為期鹿性於秋前牝牡各為羣  
中秋後則牝分羣而求牡也哨鹿擇林壑深幽獸  
羣總萃之所至期

上於昧爽前出營旌門外燎火以俟隨從侍衛以次而

留從者不過數十騎皆屏息單行不聞聲響既至其所各戴鹿首為導其哨以木為之隨機達變低昂應聲鹿即隨至

上每親發神鎗殪之伏讀

御製前後哨鹿賦研精物理義蘊賅備可以驗氣機可以通道妙非蟲管可能窺也既竣事回

行營或即其地

啟蹕焉

御製賦

哨鹿賦

有序

己巳

賦者古詩之流詩以言志其有不能盡言之志則賦可以申之我

皇祖昔喜哨鹿朕沖齡隨侍習聞其事年來乃親試為之嘉其有合於聖經顧古人無賦之者故不愧無文其辭曰

伊白露宵中之候正伊尼孳尾之時生不息焉洪鈞運

欽定四庫全書

欽定四庫全書  
卷四十八

而難測物雖蠢也氣機至而咸知故三序

春夏冬

則牝牡

各從其類

謂牝隨牝羣  
牡逐牡侶

惟中去聲秋斯牝牡各媾其妃

謂牝

各分羣而匹牡

强有力者不惟挾兩而累十弱無能者或乏獨

匹以相隨或依林而命侶或據嶺而分畿或悍害而傲  
衆或謹守而自持或豪歟而攘彼或竊取以私其萬態  
紛其莫窮一以音而宣之於是虞人善因聲以察情爰  
體情以毀聲喜金風之颯爽值玉宇之晶明霜重而不  
言其冷露濃而那覺其零陵嶮嶮而如登衽席冒蒙茸



而不異戶庭慮吾遊之晏起虞原獸之急鳴

鹿迨晨則翔鳴哨亦

不進故哨鹿者恒於未曙前即往

夙戒僕而奚從欣戴月而披星舍彼

寬衣宜茲短服荷長哨於左肩

以木為哨鹿之具吻吻以鳴

出象首

於右麓

象鹿之首人戴之則鹿不疑

躡增陟峻沿谿寄谷攀蘿兮豈

辭胼手履石兮何妨馘足蓋以暢茲心神詎惟饗其口

腹於焉斃乎崔嵬軼彼參差上千丹楓之巘下視白雲

之隈上風餐切之避忌陽林晃耀則紆迴就叢薄之蔽

翳反獺裘而毳毼衆條理焉畢會乃得傑雄之爭匹者

呦踉蹌而徐來角八叉兮疑疑耳雙聳兮濕濕挺強項  
兮莫撓蠢靈鼻兮善艱始赫侶兮自閑乃妬異兮矜急  
既澁澁兮疾赴復驚驚兮少戢蓋屢試兮絕猜遂銳志  
兮直入爾其動林無形匪風有響適其將至撒爾懼往  
奮角思觸瀏晚爭長則在夫能哨者善達變以隨機比  
用中而執兩或激其怒兮使進或示以弱兮令放惟察  
情之喜怒乃應聲而低仰蓋用心於既專斯通靈而不  
爽既然矣無動無慮不徐不遽驀厯合之前陳陡應叱

而少住屏營收息量卑揣高傍斗窺星

鎗上施星斗所以審高低

分以毫審度發機馥焉中膏命處擇肥登于大庖若夫  
多疑旁剔既進中止膽劣心狷狐猜狼視未交戰而長  
跳毆叢檄而如駛則亦比之窮寇之莫追又何必焚林  
而盡取哉蓋嘗研精哨鹿之理而知五德焉取一以新  
匪二以頻仁也逆者斃之去者寘之義也爰登簠簋爰嘏  
福履禮也招之即至獲之即遂智也呼哨以進射宿凜  
訓信也如是者蓋有合於聖人之洪道而又豈潘岳耽

盤流遁之所誠相如子虛上林之所嘲也哉

後哨鹿賦

癸酉

或問哨鹿之時之法之義蓋已蘊賅前賦矣若夫冒凜冽之霜晨衝蒙翳之林薄踐昨嶠之巉峰涉沮洳之幽壑十哨未必一來十來未必一獲獲乃心忻失斯興索多見其勞鮮聞其樂則何不張堂堂之圍按徐徐之度收籍籍之富免皇皇之讎而故為是寒征而曉作者何哉曰吁是何言耶是何言耶見土障葛燈而喟為已過

者非忘其先也耶逸則淫而勞則思季氏之婦猶聞之  
固可弛其惕乾耶或曰惕乾者蓋不若是矣意者慎大  
寶居法宮屏九御接三公劬農政熙天工豈謂當即鹿  
於隍中耶曰子知其一未知其二坐吾語汝賦以見茲  
若夫高談堯舜深處廟廊文恬武嬉內弱外強孰不喜  
夫逸體而庸詎知其頽綱也哉且也身歷其難者告之  
以人之難而知而不知人之饒者方謂何不食肉糜也  
是以神區天闢後法

先垂詰戎習衆謹度節時園以示正哨以出奇得之艱者  
趣斯永躬其勞者樂亦隨蓋理境之當窮可絜短而深  
思也於是秋木蕭辰塞猶淒所宵風定兮林靜曉月上  
兮山阻儻儻者妬羣俟俟者攜侶遵彼蹢蹢之蹊如或  
殷殷而佇吹長哨以通情似應聲而答語去亦弗追來  
亦弗拒則有强者捍捩弱者趨趨猜者飄瞥怯者踟蹰  
慷慨者忼性昏瞶者模糊雖人情之萬態亦奚有以異  
諸緣輳物來獲一勝百其來也亦惟去之是慮其獲也

夫何失之足惜去與來固難期之儻然失與獲亦無定  
之屢易吾因以參如幻於現前受景光而為適也爾其  
問夜宵衣據鞍策馬萬帳燈明七萃聲寡是則始出營  
而覽離奇晃耀之狀也若夫炬影漸遠夜色猶暝峯巒  
纔分林樹未形乍如夢遊玉樓十二仙人京乃其曉蟾  
初吐或半或圓隔葉漱露度水翻瀾又如虹橋可攝徑  
欲造廣寒高山出雲雲去山在變幻頃刻步移觀改則  
何異夫黃山之海赤烏扶桑霧歛氛開玫瑰韞韞熊熊

回回又奚數其初陽之臺于焉入深樾凌崇巒窈窕單  
騎疎見線天千年落葉鱗緘谷填色作黃金風吹不翻  
臭如沉水履若蜀氍毹徊乎靜真乎忽訝夫身入布地  
之園而伊尼之羣方且左右前後與人周旋失兮獲兮  
勞兮樂兮率已相忘於無何有之禪矣問者茫然不知  
所謂慙懽踟躕唯唯而退

御製詩

哨鹿

丁卯



呦鹿鳴深秋虞人哨致之格物有會心祇緣聲應隨  
哨鹿古未聞差如鶴雉媒深澗一聲鳴麋麋爭長來  
曉起登崇山山下止頓所萬燈如列星秋池浸天宇  
即鹿以類招偶一試其技鹿來固欣然鹿去亦可喜

哨鹿 已已

曉蟾駐魄碧光流哨鹿時惟八月秋遼谷試呼來得得  
虞人真解學呦呦耽盤媒翳嗤剛挂閒放綸竿任釣舟  
朱鳥旋升開曉色塞中隨意作清遊

哨鹿十韻

壬申

凌曉出帷城羽林簇隊行歷登千嶂迴俯視萬燈明宿  
處踪將遠虞人技各呈尾隨留次第

哨鹿之法貴減從無聲故隨從之人

以次而留翳伏展長聲纔辨林分色俄聞鹿荅鳴最嫌心卞

急要在氣和平強弱微窺勢去來仍體情從禽非浪漫  
付物有權衡連獲何須詗偶空亦豈怵豪遊真絕勝一  
覽衆嵐清

哨鹿 已卯

白露雖已過

二三十年前鹿鳴以白露前後為候今率以秋分前後為候蓋

天道自南而北

氣漸暄  
暖云

氣暄鹿鳴遲

天道自南北一端此可譬山莊過中秋應候啣聲試哨必

有定所松巖特佳地

扎克丹鄂佛洛漢語即松巖也蓋宜哨之處亦不多得松巖其一也

披星出御營霜坂跋輕騎一暢尋樂懷一寓習勞意

習勞以身先與衆無不同仄徑步劣崩短衣披蒙茸叢

薄影白月絕壁下峭風低語學銜枚銳進擬襲攻回頭

語額駙去歲追賊蹤

去歲固倫額駙塞卜騰班珠爾隨將軍兆惠追噶爾咱忒賊人恩克

園至庫隴奎地方以力戰受傷命回京茲隨  
哨鹿天甫黎明正同襲賊之候馬上詢及之誠不負教  
養讀書曾深宮

深宮寧不逸塞野有底好繩

武貴弗忘是中有要道晏起在所戒冒冷天將曉減從四  
五人攀陟窮峯嶮八义忽作聲餐切羊腸繞一鎗立斃  
之今日機緣巧

緣巧匪恒逢未勞實鮮味圓中馳逐之鹿其肉勞而無  
味鎗斃者乃新鮮味佳也

取佳進

慈寧高擎馳飛騎所餘命剝割野食頒衆暨人擅屠坦工  
斤斧髡髀試芒刃固不缺是謂善乘勢陡然憶西師捷  
音尚待至

哨鹿六韻

聯步披蔥蒨

人皆單行以防作響

隨聲

鹿聲也

入翠微巴顏真富地

巴顏木墩者富岡之謂也傳聞皇祖一日獲十二鹿於此故錫是名

岱爾正爭妃

蒙古謂壯

鹿為岱爾其來也為爭其妃也

命處端星的

鳥鎗之尾有星首有斗所以審的命中者也

屏

營發火機橫陳成振落跳去那騰飛玉馬欣然返明駝

載以歸南山豐大特較此遜祥輝

行營

乾隆二十年定

駐蹕大營內方外圓度地從二十丈六尺橫十七丈四尺建黃幔城外加網城結繩為之黃色貫之以網高六尺濶八尺凡百六十有六距幔城東南西南各十八丈北十五丈設連帳百七十有五為內城啟旌門三門各建纛東鑲黃西正黃南正白各一

以纛

緞為之鑲黃鑲白鑲藍以紅綠鑲紅以白綠正黃  
正白正藍不加綠皆正幅銷金雲龍綵徑四尺八  
寸許徑五寸杆長 周建內城旗四十有一 旗以黃  
一丈四尺五寸 緞為之

紅綠斜幅銷金雲龍綵徑二尺二寸許徑  
三尺三寸斜幅四尺杆長六尺七寸朱旌 宿衛帳

九距網城十有二丈為外城設連帳二百五十有

四啟旌門四門各建壽縣東鑲白西鑲紅南正藍鑲

藍浹日遙建之北正紅周建外城旗六十東北鑲

黃西北正黃東南正白西南正紅各十有五 旗綵  
徑三

尺許徑三尺餘 宿衛帳四外城東旁設內閣六部  
如內城旗之制

都察院提督等衙門官帳或東面地狹則設外城  
南距外城六十丈周設警蹕帳四十各建護軍旗  
一東北鑲白西北鑲紅東南正藍西南鑲藍各十  
旗以緞為之俱斜幅不施繪繡綵徑一尺六寸旂  
徑一尺七寸斜徑二尺三寸杆長五尺五寸朱旂  
惟正紅旗黑旂重門拱衛星廬環布黃幔城正中

御幄在馬幄高二丈徑三丈四寸上為穹蓋以攢竹杆  
百六十分撐之牆高五尺六寸門前後各高四尺  
六寸濶二尺三寸幄正中設



御座高一尺六寸五分縱三尺九寸五分橫五尺七寸  
五分幄內左右懸佩刀橐韃鳥鎗各一庭左右各  
設圓幄一高九尺五寸徑一丈五尺牆高四尺五  
寸座後長幄高七尺六寸縱一丈二尺橫八尺直  
櫟橫棟簷左右垂高五尺四方啟門後達帳殿橫  
列三楹高一丈一尺縱一丈三尺橫三丈額曰四  
宜居東西室皆啟窓更後為圓幄三幔城外左右  
連帳茶膳儲侍各庀其事

停蹕頓營外設黃幔城門南向如大營內城之制黃幔  
城中設圓幄一縱橫各一丈六尺牆高四尺門高  
三尺七寸濶二尺三寸前後左右共設帳房八架  
凡看城之制與頓營同

聖祖御製詩

賦得帳殿鬱崔嵬

四集

茂林葉未黃賓雁始成行後隊分山出前旌越嶺揚鹿  
鳴秋草盛人喜菊花香日暮帷宮近風高暑氣藏

其二

清露知時轉纖雲却暑回  
豫遊臨石磴雜踏過河隈  
潭靜魚吹沫林踈鹿印苔  
秋成良可賦為此共徘徊

御製詩

御行營作 乙丑

行宮行盡御行營蒼莽秋原駐蹕清  
獨據地中巍廣殿忽從天上落曾城  
馬尋坡草羣連絆人覓壇廬各認旌  
依舊巡邊前歲景吟髭饒得幾多莖

行營

丁卯

峻嶺天城野甸寬  
慢廬帳殿鬱龍蟠  
千軍牧圉如星拱  
萬幕旌旂入畫看  
行漏遠過計里鼓  
挈壺傑監相風竿  
省方脩武欽

先制創守還思孰易難

羶廬

不陋非奢慶有那  
移行惟藉一封駝  
年華就裏常如舊  
詩思於中強半多  
金帛篆紋垂燄穗  
紙窓月影裊烟蘿

每叅性理消清暇即境還同安樂窩

行營已已

曠甸御行營蘭皋秋氣清細旃中建殿連網外為城部

署明分張

去聲各部皆有行帳大書以別之

私廬各認旌謹譁禁逸度

歡樂驗輿情野水人人汲青山面面迎年來茲室裏爾

許好詩成

入幕今猶昨塞簾樹與山牛車來晚市

例許蒙古互市率驅牛車以來

鈴索謹宵關

前鋒營掌卞路之事以鈴繫索為界人不得私越

水號羊腸曲峰

疑螺黛彎雪鷹金捍臂蒼犬玉重環雲澹秋情迴天空  
塞景閒古來稱大漠此日是仙寰

羶廬

辛未

張拂常稱便止遷隨所如天臨萬象濶山入一牕虛罷  
獵支牀憇成詩就燭書泉明先得句吾亦愛吾廬

御行營

壬申

蒐狩恰宜秋行營廣甸留荅陽方審面計日又從頭萬  
帳星辰拱九重規制倅習勞兼示度匪為宴安謀

壇廬

懷居何必尚金鋪  
息體凝神愜所須  
一室四隅常不改  
開窓日日看山殊

御行營六韻

甲戌

崔巍帳殿鬱蘭坡  
星拱周遭萬幕羅  
豈限幅員分內外  
亦陳斥堠不譙呵  
繹思厥度期無數  
到處其居慶有那  
視膳

寢門欣一例  
勅幾午夜協中和  
掃除扎薩咸惟謹

蒙古四十九旗

各有扎薩  
克領其衆  
警蹕金吾底用多長白吉林佳氣繞敢忘

天作烈文歌

檀廬疊舊作韻

乙亥

磧坂連疆圉者那輕馱拂室過明駝芋寧且喜三間足  
結構剛消半刻多向野堦惟事剪艾倚巖窓得號延蘿  
年來飽識其中味雁塞龍沙風月窩

行檠疊舊作韻

豈無山月映松枝愛此熒熒檀室宜汲古時懷照若彼



勅幾宵每慎於茲惜陰常自評今昔喻法還因悟即離  
江硯宣毫當偶靜玉蟲綴處發新思

檀廬

丁丑

居安青嶂入選勝白雲平不漏原勝平瓦匪雕那藉薨  
蒼林禦風峭綠野坐霜清逐日張還拂於何著繫情

駐行營

戊寅

今年獵場向迤東崖口外即行營駐曉涼羣已換旃冠  
背指離宮猶驛路輕驄得得進園界漸遠村莊多野趣

四十八家率獵騎橐韃供役咸來赴牛羊駝圓蒲谷中  
乳餅馬湏隨意酤厄魯驚歎有如是伊犁較此難言富  
山莊幾日陪宴賞宮室衣冠非所諭古來北部輕南朝  
今日歸新原勝故我聞此語心為怡延美孰非

祖烈貽共搢紳士議兵革與介胄士談書詩以水投石昔  
所譬言杓鑿弗入其奚疑習勞繩

武益懃懃一家中外綿丕基

御行營

癸未

武帳詰戎師朝家典制垂方圓天地撰

凡行營外圍以列帳兩層其象

圓內設以黃布幔城其象方

高廣棟梁規風雨以時蔽今明逐日移

紙窓舒卷榻復此待吟詩

御行營乙酉

萬幕拱黃城千山繞御營朝家脩武備藩部輸去聲衷誠

遠向郊蕪色靜聞牧馬聲羶廬亦槩几復覺引吟情

羶廬丁亥

茨階茅土漫相譽張拂程途任所如南北東西一行幄

秋冬春夏四宜居底須防漏偏稱瓦適可消閒便展書  
拱護亦多單布帳斯之未覺獨安予

檀廬即景己丑

收園坐毳室四字布山雲日御須臾掩雨絲颯沓芬  
琴增峽響錦繡隱峯紋恰閱京中報優霑益慰欣

京兆秦京

城八月二十日自午時起密雨徹夜二十一日復自辰至亥細雨綿勻通計入土五寸餘菜蓀等極為霑潤

扈從守衛官兵

凡

駕幸木蘭嚮導大臣俱由

御前

乾清門隨往率嚮導官兵等掌除道清軌度地建營之事

欽派前鋒護軍統領率領營總三員隨扈

御用輜重叅領二員護軍十五人司輜重叅領三員護

軍二十四人領三旗纛叅領一員護軍八人建幔

城叅領八員護軍八十人頓營幔城叅領二員護

軍三十人司蒙古卡倫叅領二員護軍二十人卡倫叅領四員護軍一百人守宿衛帳叅領十九員護軍百九十人司警蹕帳房叅領八員護軍百四十人後護叅領二員護軍二十人司市叅領二員護軍八人司刈草叅領一員護軍十五人三旗虎鎗營總領各二員虎鎗長七人副長九人虎鎗兵百六十人學習虎鎗四十人凡

大駕行圍皆從各司其事

蒙古隨園王公等

凡內扎薩克四十九旗王貝勒貝子公台吉塔布

囊分三班

御前行走

乾清門行走之王公台吉額駙等分二班閑散行走  
之額駙分三班喀爾喀四部及青海之王公台吉  
分四班皆隨園木蘭其未分班之厄魯特王公等  
聽其詣木蘭請

安喀爾喀四部未出痘王公等以莫爾根十人隨圍由  
定邊左副將軍酌派舊例各王公等令於波羅河  
屯祇候迎

駕比年各蒙古瞻覲情切於喀喇河屯恭迎

聖駕隨至熱河恭祝

萬壽又乾隆十九年都爾伯特部來歸三十六年土爾  
扈特部來歸各三公等每年分班於熱河朝覲後  
亦令隨圍木蘭與舊扎薩克等



蒙古佈圍兵丁

喀爾沁翁牛特共一千人教漢五十人巴林克什  
克騰共一百人科爾沁一百人合一千二百五十  
人凡圍場佈圍皆用之又喀喇沁隨圍鎗手十二  
人打鹿鎗手四十人哈瑪爾三十人喀喇沁翁牛  
特土默特嚮導一百人長鎗手一百六十人察哈  
爾厄魯特共派巴爾呼八十人總管二員皆以供  
圍場之役

蒙古進宴

凡

行圍木蘭蒙古卓索圖昭烏達二盟長

喀喇沁土默特二部盟所曰卓

索圖翁牛特教漢奈曼巴林克什克騰阿魯科爾沁喀爾喀扎魯特八部盟所曰昭烏達例進

御宴舊凡公宴家宴數次

皇上命合為一次以示體卹設蒙古包六座白駱駝十

八鞍馬十八驕馬百六十二牛十八羊一百六十

二酒八十一罈倉品二十七席布庫

國語相撲也

二十

人什榜蒙古樂名九十人騎生駒二十人生駒無定數

呈技馬二百五十匹先期

行在理藩院奏

聞蒙古諸部王公職名請

派一人進爵屆期武備院恭設所進蒙古包帳房於

行營門外列駝馬牛羊於道左

駕至理藩院官引蒙古王公台吉等跪迎

駕升帳殿寶座理藩院官引帳殿內應坐之蒙古王公

等入列左右坐餘分坐兩旁蒙古包

上進茶諸王公等興行一叩禮次

賜諸王公茶復叩飲畢坐

上進膳所司恭捧

御爵進爵者接爵恭進

御座前退復位跪一叩衆皆跪叩進爵者興復詣

御座前接爵退所司承

旨賜進爵者酒進爵者跪飲畢復叩首興復原坐處次

賜蒙古王公台吉等食侍衛等分遞酒各以次徧綽爾

齊蒙古謂胡  
茄奏曲人人及什榜人以次入脩

上進膳畢獻茶陳相撲之戲次觀蒙古王公子弟騎生

駒宴畢

上還行營諸王公台吉跪送如儀

御製詩

塞宴四事

庚辰

詐馬

詐馬為蒙古舊俗今漢語俗所謂跑等者也然元人所云詐馬實咱馬之誤蒙古語謂掌食之人為咱馬蓋呈馬戲之後則治筵以賜食耳所云只孫乃馬之毛色即今蒙古語所謂積蘇者是亦屬魚魯茲扎薩克於進宴時擇名馬數百列二十里外結束髮尾去羈韉馳用幼童皆取其輕捷致遠以鎗聲為節遞施傳響則眾騎齊騁羴駝山谷騰躍爭先不踰晷刻而達掄其先至者三十六騎優賚

有差所以柔遠人講武事也

名王詐馬存遺風獻筵備陳表敬恭廿里以外列駿驄  
置郵傳命聽發蹤宣教施鏡星火紅連聲遞令頃刻通  
砰礚萬雷忽落空翩若驚鴻逸若龍雲屯颺歛倒呂洪  
旁唐閃霍復春容振林駭谷躡昇凌平沙草軟淨塹塍  
駛駢束尾綰其鬣輕方致速騎以童捷足獨出傑且雄  
選三十六惟良賊按第行賞務從豐只孫古俗想像中  
和樂還因寓詰戎

什榜

什榜蒙古樂名用以侑食今俗所謂十番或因此  
楊萬里詩有全番長笛橫腰鼓一曲春風出塞聲  
之句蓋樂曲名番本塞外語而傳謠耳其器則笳  
管箏琶絃阮火不思之類將進酒輒於筵前鞠脰  
奏之鼓喉而歌觥羅赴節有太古之遺音焉

平原擇向圓幕張酪酥乳酒湘黃羊名王捧觴起上壽  
較漢公卿禮數詳渾撥四火不思曲長翔管如鞭吹鳴



羽發徵氣內運叩角動商響外披初奏君馬黃大海之  
水不可量曲首句繼作善哉行無貳無虞式穀友朋誰云  
朔漠無古樂絕勝鄭衛為新聲我惟中外一家用聯上  
下情亦不侈談有虞氏四裔之樂舞於庭

相撲

相撲之戲蒙古所最重筵宴時必陳之國朝亦以  
是練習健士謂之布庫蒙古語謂之布克脫帽短  
構兩兩相角以搏踣仆地決勝負勝者勞以卮酒

厄魯特則袒裼而撲雖蹶不釋必控首屈肩至地  
乃為勝彼嘉其壯賜之羊臠則拱臂探掬顧盼吐  
吞聲若飲歡其舊俗如此因以示惠云

健兒揜袖短後衣席前相撲呈雄嬉捫拖拗拉矜矜其  
踞踞踟踟且踳乘間伺急出以奇忽然躡蹶力不支  
勝者賜酒蹠飲之別有厄魯均新附其撲法乃異舊部  
露身赤脚惟著袴撇捩蹠蹠空拳赴失計忽仆伏地據  
騰跳翻作康王跨兩肩著地頭倒豎方得謂之決勝負

勝者揚揚意實歡負者反求微覲顏宣傳典屬呼來前  
上方肥羊出厨盤長截碩臠如舉山七箸不設俾恣餐  
誰識不足君所言快哉大嚼真壯觀豈對屠門空望懸  
跪振雙臂攫且搏右哆左喻直下咽條似長鯨吸百川  
意氣自若殊昂軒均令染指果腹便小哉食肥張齊賢  
是蓋衛拉舊俗傳示恩將勇一試旃食罷命前面詢焉  
弗茲食者閱十年

據云準噶爾自喇嘛達爾扎構釁以來日就凋敝不得如此飽啖者十年

於茲矣

教駢

教駢攻駒周禮雖載然後世僅知攻駒而不能教  
駢蒙古則熟習其灋謂之騎額爾敏達驛馬三歲  
以上曰達驛額爾敏則未施鞍勒者也每歲扎薩  
克於所部驅生馬多羣至宴所散逸原野諸王公  
子弟雄傑者執長竿馳繫之加以羈韉始則怒騁  
賊趨或蹄突人立嘶齧雷殷馭者騰趨而上控制  
自如須臾調良率得名馬

二歲為駒不勝鞍三歲為駢始堪教夏官廋人早失傳  
未若朔漠存古調扎薩獻宴必備觀分羣別色陳平原  
羶廬賜食較撲罷按轡一覽同名藩名藩子弟皆吉服

上馬執竿好結束

馭生馬者必馳騎逐之顧衣綰帶持  
尋丈竿繫革絙其上以為控繫俗名

套馬  
竿

毆來萬錦欵披前光采陸離紛奪目薄言駟者有

驕皇驛騏驎駟駟黃繫之維之取傑驚綬絆未及先  
跳梁翫草飲水本天性鞿轡乍拘自覺病驚軼狂擲詎  
能無處之以暇堪力勝牽來蹠躩人爭騎驀跨那待羈

馬施擢足軒立忽落地翻身騰驕捷於飛盡態極變不可狀驛突雄驅若翻浪毛龍逸虎旋就馴人有餘閒據馬上馳驟寧供耳目娛駃騠駃耳中掄諸憑閱考牧悟至理不教而成事所無

於巴雅爾鄂爾袞溝蒙古王公等進宴即席得句  
巴雅爾者蒙古語謂喜鄂爾袞則寬也昨歲於此地接將軍阿桂攻克勒烏圍紅旗捷至因此以名  
之丙申

歲歲寬溝備宴同

每歲蒙古王公等備宴率於此鄂爾察溝以其地寬敞可詐馬也嘉

名增錫識成功仍看列就九駝白

宴前例進九白駝為蒙古最尊重嘉貢雖

不收喜其徵瑞也

那忘飛來一騎紅將士凱旋多扈蹕

金川成

阿桂留京辦事豐昇額係御前大臣海蘭察奎林和隆武福康安普爾普皆御前侍衛餘亦乾清門侍衛居多因其久著勞績概命在家休息數月直至八月初始赴山莊今皆扈從行圍

藩屏威仰問從

戎

蒙古王公見豐昇額等輒問番地險峻形勢及將士超越直上攻碉奪隘賊情聞者莫不驚服

前次第陳四事

塞宴四事為詐馬什榜相撲教馳向曾有詩詠之

太古王庭溯

舊風

宴賚蒙古

凡隨圍蒙古王公等在圍場隨時宴賚無定制

上行圍畢出哨後第一程

東道於張三營西  
道於阿穆呼朗圖

賜蒙古王公以下及兵丁等食因以次

頒賞其

賞賚之典乾隆十二年定親王郡王賞上用蟒緞一疋

大緞二疋彭緞二疋貝勒貝子公賞官用蟒緞一

疋大緞一疋官用緞二疋額駙賞官用蟒緞一疋



官用緞二疋扎薩克台吉塔布囊等賞官用蟒緞  
一疋官用緞一疋兵丁等各賞白金布疋有差

頒賜既徧遣歸諸部落

御製詩

停蹕 癸巳

停蹕齊爾伯庫嶺野甸霜華如玉艷  
湏臾東壁吐陽烏  
滄滄涼涼寒始暎待圍武帳憇僕從聚衆晨餐觀健啗  
推牛大享固無藉厨人齊和聊親勘鹽梅指示頗得宜

舊藩新部胥食饜

自行營度嶺甫七里即停蹕傳饌因賜扈從近臣及隨圍蒙古王公并入

覲之士爾扈特等朝食以羹膾雜烹作飯饗人調味親為指授劑和俾皆饜飫

射生炙肥成往

事

向每於圍中射得肥鹿即燃松枝炙食並親割以賜扈行近御諸臣及扎薩克王公等今不行此者四五

年過年弗為斯補父聯情示惠有權宜欲普霑無向隅

憾飢寒戚而飽暖怡因之率可人情驗然茲小試實則

易艱哉安得寰宇萬民同此被優贍

欽定熱河志卷四十八

欽定四庫全書

欽定熱河志卷四十九

疆域一

熱河全境舊設五廳中曰熱河廳西南曰喀喇河  
屯廳西北曰四旂廳東曰八溝廳又東曰塔子溝  
廳後析八溝廳北境為烏蘭哈達廳析塔子溝廳  
東境為三座塔廳是為七廳其所轄則四旂廳專  
轄左翼察哈爾八溝塔子溝烏蘭哈達三座塔諸

廳兼轄內札薩克蒙古諸部各有分地

聖朝休養生息百數十餘年人民殷乂物產充盈我

皇上每歲秋狩經臨被潤澤而大豐美閭閻櫛比原隰

沃衍學校既興郡邑斯建陞熱河廳為承德府餘

廳改一州五縣屬焉府治本境如直隸州制塞上

神輦蔚為都會茲叙疆域首承德府次灤平縣次

豐寧縣以境內

行宮為


巡御時駐蹕所故列平泉州前如各省府屬以縣先州也次平泉州以境眎他屬較廣也次赤峯以平泉析置也次建昌次朝陽以去府較遠也每屬村莊分系四境著其方位道里其以山水名者互見山水門繪全圖一府州縣圖七各系以說便省覽云

志疆域第六



# 承德府全圖

多倫  
兩界



承德府全圖說

承德府屬全境當古北口潘家口喜峯口外舊熱河道所轄熱河七廳地東西相距一千二百六十里南北境廣袤不一以平泉州赤峰縣統計相距八百十里自府治東至奉天錦州府錦縣邊門界七百五十里西至口北道屬獨石口廳界四百五十里南至順天府遵化州界一百五十里北至圍場界二百十八里東南至永平府臨榆縣界五百



八十里西南至順天府密雲縣北之古北口界一  
百九十里東北至錦州府廣寧縣邊門界一千十  
五里西北至口北道屬多倫諾爾廳界五百六十  
里統州一曰平泉縣五曰灤平曰豐寧曰赤峰曰  
建昌曰朝陽規其形勢則府境居中灤平豐寧拱  
其右平泉赤峰建昌朝陽環其左水源山脉來自  
西北由圍場入境東趨南下分道紫絡圖內畧為  
標目以著其勝至古今同異援据考證則詳後建

置沿革山水諸門云餘圖倣此



# 承德府圖




承德府圖說

承德府舊熱河廳境也東南東北俱界平泉州西南界灤平縣西北界豐寧縣南界遵化州及永平府遼安縣遼外地北界豐寧縣熱河上承固都爾呼河茅溝河賽音河三水合而南流入灤河熱河西境為

避暑山莊東北境釣魚臺黃土坎北境張三營並建行宮伊遜河從府西北境圍場入南行入豐寧縣界

又西南經灤平縣界入灤河東流入府西南境至  
山莊南北會熱河東南行又西會前白柴柳諸河東  
會老牛河東南流至門子哨入遼安縣界山則磬  
鍾羅漢天橋五指之秀拱于東風雲廣仁之勝環  
于西僧冠峯青松鳳凰諸嶺屏于南獅子嶺大黑  
山枕于北流峙鉅觀咸歸襟帶至于營哨星羅屯  
聚鱗次一州五縣左右拱翼披圖攬勝可得其槩  
焉

# 灤平縣圖



灤平縣圖說

灤平縣舊喀喇河屯廳境也在承德府西南隅東  
界府北界豐寧縣南界古北口西界獨石口縣治  
倚東隅當灤河北土泉上腴拱翼

山莊密於咫尺歲當

巡輅經行出古北口首蒞茲邑自縣治以及巴克什營  
兩間房常山峪王家營

行宮相望山則雙塔山葦峪嶺常山峪青石梁駝峯




星龕岩偏嶺十八盤嶺尤擅形勢水則灤河經流  
東北興州伊遜諸河入焉潮河白河環帶西南而  
湯河則會入白河餘若清水河及大柴峪馮家峪  
諸河發源縣之西南隅並著圖內承德府各屬惟  
府境與灤平不涉蒙古旂地而灤平西南接內地  
邊牆屬古北口獨石口汎蕪轄為較殊他州縣云

# 豐寧縣圖

多倫諾爾縣界

綏遠縣界



豐寧縣圖說

豐寧縣舊四旗廳境也在承德府西北隅東界府南界灤平縣西界獨石口北界圍場察哈爾鑲白旗舊治土城子今為縣治當全境南於東西為中正藍旗治黃姑屯即波羅河屯居東鑲黃旗治大閣兒居西正白旗治郭家屯居北四旗壤界錯出山則鑲白旗屬之元寶山赫山白雲山五峯山正藍旗屬之筆架峯瑣龍峯雲光洞苔山平頂山鑲

黃旗屬之塔山湯山白雲洞十八盤嶺正白旗屬之喇嘛山大對山半壁山為尤著水則灤河從縣境西北隅圍場入鑲黃旗北境東南流經正白旗境小灤河北來會而南行入鑲白旗境南流入灤平縣界其東則伊瑪圖川從縣境東北隅圍場入鑲白旗北境南流入正白旗境又南流入灤平縣界又東則伊遜河從縣境東北隅承德府境南入鑲白旗北境南流入正白旗境會伊瑪圖川又南


流入灤平縣界又東則固都爾呼河亦從縣境東北隅承德府境入廂白旗北境南流仍入承德府界西則舍利塔拉川從正白旗西境發源東南流入鑲白旗境又南入灤平縣界又西則潮河湯河於鑲黃旗境發源南流入灤平縣界至鑲藍旗境之中關什巴爾台波羅河屯鑲白旗境之濟爾哈朗圖阿穆呼朗圖並建

行宮謹按次方位約會于圖

欽定四庫全書

卷四十九

# 平泉州圖



平泉州圖說

平泉州舊八溝廳境也西界承德府東界建昌縣  
東北界朝陽縣州北境為喀喇沁右翼地喀喇沁  
札薩克公旗地在右翼中州治瀑河之源環焉北  
則猴山東則獅山映碧山又東則鳳凰嶺東南則  
瑤璿山南則象山紅山又南則老姥山冷嶺其最  
著也老河發源于州北境喀喇沁屬之霍爾霍克  
山合諸水東北流納林崑都楞河東流會入焉又



東會烏魯蘇台河東北流入朝陽縣界州北羣山  
合沓而和爾博勒津山崑都楞喀喇山哈喇蘇台  
山為尤著南境接永平府遷安縣邊外地又南與  
喜峯口接圖中不繪邊牆專以本境界址為限例  
也



赤峯縣圖說

赤峯縣舊烏蘭哈達廳境也東界建昌縣南界平  
泉州西界圍場北界烏珠穆秦克什克騰諸旗地  
縣全境為翁牛特右翼地其北境之翁牛特左翼  
旗已林旗務均隸縣轄赤峯縣因紅山得名山在  
縣治東他如北境大松山南境遮蓋山其較著者  
水則金英河發源圍場從西境入會錫爾哈錫伯  
卓索諸河東流出縣境入建昌縣界會於老河老

河上流從平泉州東北隅入縣之東南隅折而東  
行入建昌縣界均析會於圖自縣治至翁牛特右  
翼駐處一百二十里北至左翼駐處一百八十里  
又北至巴林旗北境五百里府屬疆域迤北境斯  
其最遼濶矣

# 建昌縣圖




建昌縣圖說

建昌縣舊塔子溝廳境也在承德府東南隅東界  
朝陽縣南界臨榆遷安縣西界平泉州北界烏珠  
穆秦旗地縣屬南境為喀喇沁左翼地北境為敖  
漢旗地中界平泉州地南北若相望然縣治當喀  
喇沁左翼中偏北境大凌河三源並發會而東流  
入朝陽縣界青龍河當南境之西流入遷安縣蒐  
濟河當南境之東流入寧遠縣山則月華瑞雲之

屬最著而布古圖之為白狼山大凌河之為白狼水尤可援今以辨古即見以徵聞北境則老河會金英東流而玉瀑名泉仰邀

天藻品題地靈增勝教漢管兵務旗務王子介居老河南北岸其貝子則析居東境巴奚里河南不分左右翼統曰教漢旗云

# 朝陽縣圖





朝陽縣圖說

朝陽縣舊三座塔廳境也在承德府西北隅東接  
九關臺門界錦州府義州諸境西界平泉州南界  
建昌縣北界科爾沁縣屬東北境為土默特左翼  
地西北境為土默特右翼地又北境為奈曼旗地  
又東北境兼轄喀爾喀庫倫兩旗地水則大凌河  
經流其南金英河會入老河經流其北圖爾根河  
南北二水同名均入大凌河凡諸河發源之山暨

槐栢雲蒙著名諸山咸列圖內而鳳凰山之為古  
龍山尤足與龍城狼水諸遺蹟相發明並彙列之  
為建置沿革山水諸門考證之緣起焉

欽定熱河志卷四十九